



## Universitätsbibliothek Paderborn

**Elogia Societatis Iesu Sive Propvgnacvlvm: Pontificum,  
Conciliorum, Cardinalium, Antistitutum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Ioannes Diaz Morquecho n. 108

**urn:nbn:de:hbz:466:1-38486**

*Qui n  
Dux, &  
Ecclesia  
Athla, sua  
doctrina  
humoris  
sustinet  
Orbem.  
Socij lau-  
dati.*

Hierosolymitanus de Hieronymo : usque ad medium no-  
tem quiescebat, qua quidem continuo surgens lectionibus,  
& scripturis sanctissimis, quibus tota radiat Ecclesia, ut lampadibus pretiosis intentus, usque ad eum horam perdurabat.  
*Et postea fol. 41. col. 1. De viris huius Societatis dicit, quod de veter-  
ioribus religiosis, primisque Christianae perfectionis exemplaribus*

*refert S. Isidorus.* Simul agunt viuentes in Orationibus, in  
lectionibus, in disputationibus, in Vigilijs, in ieunijs, mode-  
sti, verecundi, placidi, concordissimam vitam sectantur,  
cogitationes suas alterutrum reuelantes, inuicem discutiunt  
& corrigunt. *Et fol. 41. col. 1. Tabernaculum (art) vbi adsta-  
bat diuina Maiestas plumis ornatum, & in introitu eius ope-  
re plumario fecit tentorium Exod. 38. ad indicandum fortè,*

*maiores Ecclesiarum ornatum ex sacrorum scriptorum calamis  
componi : o quam multi, & diversi ditant Societatem ! Non  
est excogitabilis literarum materia, de qua eius professores  
libros pene infinitos non scriperint. Si Orco capita tollant  
Hereses, hi calamis ea demetunt : si alij Scripturam nouis  
lucubrationibus illustrant, hi orbem illustribus Commenta-  
riis replent. In Theologia Morali & Scholaistica, in legibus,  
& Concionibus quis neget excellere : o Civitas literis exor-  
nata, in qua mysterio artificio exodi citati pennae ad Te  
ditandam concurrunt, &c. Et tandem fol. 43. col. 1. o suprema  
(exclamat) Civitas literarum, in qua omnes bene occupati,  
nullus otiosus viuit : omnes fructificant, omnes gemellis  
fætibus, & sterilis non est in eis. Quæ Augustin. & Bernar-  
dus de viro Euangelico explicant: ille Epist. 83. iste ser. 63. in  
Cant. Et quidem sanctis exhortationibus, doctis scriptis,  
literarum eruditione fructus producis, o sancta Societas cres-  
cas in millia millium. Hucusque ille, & quidem in summam So-  
cietas laudem, & commendationem.*

*In quo IE-  
SV Nomen  
vacuum  
non est.* 108. A JOANNE DIAZ MORQUECHO in Censura Tomi  
singularium Moral P. Anton. de Quintanadueñas. Quando (in-  
quit) non lesuitica proles, hos tam locupletes fructus partu-  
riuit?

riuit? Nullatenus vacuum Nomen IESVS in illa extitit familia, vt de aliquibus veteris Testamenti aiebat Bernardus: illa enim Vocabula in illis nec lucent, nec pascunt, nec medentur, sicut in nostro IESV, verba sunt Bernardi. At vero in Societate IESV palmitibus non ita, sed frondes, flores, & fructus vberrimos parturiunt, sicut in nostro IESV; lucent in verbis, pascunt in exemplis, & languores animæ suis medentur scriptis. Sic ille.

Flores  
enim, &  
fructus  
vberrimos  
parturit.

109. \* A FERDINANDO DE RIVERA, Socio ac Secretario R. P. Generalis sue Illustrissimæ Religionis in Concione, quam habuit in Templo nostro Matritensi, qui postquam afferuit, Christum Dominum Societatis contractum (seu ut vulgo dicitur Trato de Compania) cum Ignatio iniisse ad animarum lucrum acquirendum, hæc habet fol. 21. col. 1. Est tamen impossibile recensere fructum quem illa protulit, & innumerabile lucrum animarum, quo gaudet Ecclesia eius causa: dicat illud Sacramento rum, Confessionum, & communionum frequentia, multitudine hominum, qui Religiones profitentur: dicant Hæretici conuicti in Germania, Anglia, & Gallia: dicant Gentiles ad veram fidei notitiam in vtraque India reducti. O quam bene conuenit IESV Societati, quod de Æterna Sapientia dixit Sapiens, Venerunt mihi omnia bona pariter cum illa, & innumerabilis honestas per manus illius. Omnia bona (addit col. 2.) ad tria genera reducuntur, ad bonum honestum, vtile, & delectabile. Quæ omnia pariter inueniuntur in Ecclesia per hanc sanctam Societatem IESV, & per manus illius. Honestum; in prompta obedientia, perfecta charitate, humilitate profunda, laborum, ac Martyriorum tolerantia, alijsque virtutibus. Vtile: (subdit fol. 22.) in eruditorum, ac sanæ & Catholicæ doctrinæ voluminum editione, scientiarum omnium in omnibus Academijs per eam suscitato splendore, confessionibus, ac concionatoribus, Congregationibus sæcularium Equitum, & Ecclesiasticorum, alijsque pene innumeris. Delectabile: in

Innumerabiles fructus ex illis secuti.

Precipue in Hæreticis, & Gentilibus re natis.

Sap. 7. 1. 1.

Bona honesta, vtilia, & delectabilia Ecclesiæ attulit.

Tem-